

УЛС ТӨР

ЭНЭ САРЫН 17-25-НЫ ӨДРҮҮДЭД
-47 ХЭМ ХҮРЧ ХҮЙТРЭХ НЬ

II нүүрт

ДЭЛХИЙ

ОХУ-ЫН САЙД ҮЙЛДЭЛ ДЭЭРЭЭ
БАРИВЧЛАГДЖЭЭ

IV нүүрт

Улаанбаатар: ӨНӨӨДӨР



Өдөр -3

Шөнө -15

Дугаарын **60** мөр

“Аз жаргал”-ын
биш аваар, ослын
хот боллоо

Ж.ӨӨДЛӨН

Цас орсон өдрийн маргааш нь л зам, талбай бараг цас мөсгүй болчихдог байж дээ. Өөрөөр хэлбэл, өнгөрсөн жилүүдэд цас орж эхэлсэн даруйд л шөнийн цагаар ч хамаагүй цас хайлуулах бодисоо цацаж, иргэдийг өглөө ажил, хичээлдээ явах үед цас хэдийнэ хайлж, замын хөдөлгөөн хэвийн үргэлжилдэг байсансан. Байлаа гэсний учир “Аз жаргалтай хот”-ыг цогцлоогчид хотын эзэд болсон эхний цаснаар л өнгөрснөө дурссан нь энэ.

Учир нь их хотын зам талбай мөсөн гулгуур адил болж, энд тэндгүй унаж бэртсэн иргэд, мөргөлдөж, эвдэрсэн машинууд таарах боллоо. Тухайлбал, ГССҮТ-д өдөрт 300-400 хүн унаж бэртсэн гэх шалтгаантай оочерлох болсон гэнэ. Цас орсноос хойш хальтирч унасан, машины ослоор гэмтсэн тохиолдол бүр ч нэмэгдсэн гэдгийг Гэмтэл согог судлалын үндэсний төвийн статистик, тандалт судалгааны албанаас мэдээлж байгаа юм.

Үргэлжлэл нь III нүүрт

ҮЗЭЛ БОДОЛ

10 ТЭРБУМЫН АШИГТАЙ АЖИЛЛАДАГ

“МОНГОЛ ШУУДАН” КОМПАНИЙГ ХУВЬЧЛАХ ГЭЖ ЯАРАХЫН УЧИР ЮУН



Н.ПУНЦАГБОЛД

УИХ ямар ч байсан хуулийн хугацаандаа ирэх оныхоо төсвийг баталсан. Тэгэхдээ 9.1 хувийн алдагдалтай төсөв баталчихаад байгаа юм. Уг нь эхэндээ 9.9 хувийн алдагдалтай байсан ч бууруулж чадсан. Энэ нь орлогоо нэмэхээр тооцсонтой холбоотой юм. Тэр дундаа өмч хувьчлалын орлогыг 50 тэрбумаар нэмэгдүүлэхээр болсон. Ингэхдээ “Монгол шуудан” компанийг 20, “Эрдэнэт-Булганы цахилгаан түгээх сүлжээ” компанийг 30 тэрбум

төгрөгөөр хувьчлахаар болоод байгаа юм. Үүнээс гадна Төрийн банк, “Оргил” рашаан сувилал, Хөрөнгийн бирж гээд хувьчлалд өртөх төрийн өмчийн компани, аж ахуйн нэгжүүд цөөнгүй бий.

Тэр дундаас хамгийн их анхаарал татаж байгаа нь “Монгол шуудан”

компанийн хувьчлал. Энэ асуудал дээр УИХ-ын гишүүдээс ганц дуугарч, эсэргүүцсэн нь Т.Аюурсайхан гишүүн. Бусад нь бол нүдэн балай, чихэн дулий суусаар, “Монгол шуудан”-г хувьчлахаар болчихлоо. Хувьчлах хувьчлахдаа ердөө л 20 тэрбумхан

төгрөгөөр шүү дээ. Яаж үнэлэхээрээ ингэдэг юм, бүү мэд. Тэгэхэд Төрийн ордны зүүн талд байрладаг “Улаанбаатар таймс” сонины байр буюу хуучны Сүхбаатар хэвлэх үйлдвэрийн байрыг газартай нь хамт дуудлага худалдаагаар худалдаж, 24 тэрбум төгрөгийн үнэ хүргэсэн. Хотын төвд, А зэрэглэлд байрлалтай, 2698 м2 талбай бүхий эл газрыг Абдул Карим гэх араб гаралтай Монголын иргэн дуудлага худалдаагаар эзэмшихээр болсон ч татгалзаж, Абдулын дараах өндөр үнэ хэлсэн “Таван богд” группд эрх нь шилжсэн. Мэдээж газрынх нь байршлаас хамаараад үнэд хүрсэн гэдгийг үгүйсгэхгүй л дээ.

Үргэлжлэл нь III нүүрт

ДУГААРЫН СУРВАЛЖЛАГА

Дэлхийд өрсөлдөхүйц **МОНГОЛ УР ЧАДВАРТАНГ**

“ҮЙЛДВЭРЛЭДЭГ” КОЛЛЕЖ



Гэрэл зургийг Г.АРИУУЖИН

Н.БАТЗАЯА

Сүүлийн хэдэн жилд манай улсад “дипломтой ажилгүйчүүд” гэх нэр томъёо дэлгэрч, бидний чихэнд аль хэдийнэ дасал болж, байх ёстой юм шиг л болдог болжээ. Жил бүр энэ эгнээнд элсэгчдийн тоо нэмэгдэж байгааг нуух юун. Өндөр төлбөртэй их, дээд сургуульд дөрвөн жил суралцсан хэдий ч ажлын байранд бүрэн зуучлагдаж чадалгүй лангууны мухар сахиж аль эсвэл албан байгууллагын үйлчлэгч хийх болсон гэхэд үнэнээс хол зөрөхгүй.

Үргэлжлэл нь VI-VII нүүрт

ОНЦЛОХ МЭДЭЭ

АН-ынхан жирийн гишүүдээсээ айгаад Төрийн ордонд хуралдах уу

Ардчилсан намын Үндэсний зөвлөлдөх хорооны хурал өнөөдөр болох учиртай. Өмнө нь гурван ч удаа төвлөгдөөд хойшилсон ҮЗХ-ны хурал энэ удаад хойшлохгүй юм байна. Харин АН-ынхан энэхүү хурлаа Төрийн ордонд хийхээр болсон сурагтай. Үүнийг нь жирийн гишүүд, дэмжигчдээсээ айж байгаагийн илрэл хэмээн гишүүд, дэмжигчид нь үзэж байгаа аж. Мөн АН үнэхээр шинэчлэл хийж чадах уу, эсвэл дарга нар, фракциуд нь нэг байр суурь хүрэх үү гэдэг асуудлыг сөхөж тавьж байгаа бололтой.

АН-ын ҮЗХ-ны энэ удаагийн хурлаар намын даргын асуудлыг ярихгүй, зөвхөн ирэх сарын эхээр болох Их хурлын бэлтгэл ажлыг хангах, дүрмийг шинэчлэх талаар хэлэлцэнэ гээд байгаа. Мөн АН-ын даргын төлөөх марафон өрнөхөө больж, намын Их хурлаас нууц санал хураалтаар сонгохоор болсон гэх мэдээлэл ч гараад байгаа юм. Үлээсэн шаар шиг хэврэг байгаа АН-ын ҮЗХ-ны энэ удаагийн хурал салаа замын уулзвар дээрх сүүлчийн хурал нь байж, эвлэлдэн нэгдэх эсэх нь тодорхой болох буй заа.



БИД ТАНЫ АЖЛЫГ ХҮНДЭЛНЭ



Алдаж болохгүй алтан боломж

Dell –ийн Inspiron, Vostro загварын компьютер худалдан аваад 25.000₮-ийн ваучер бэлгэнд аваарай.



PC mall

ХААН Банк

	Авах	Зарах	Авах	Зарах
АМ.ДОЛЛАР	2400.00	2459.00	ФУНТ	2952.00
ЕВРО	2552.00	2670.00	РУБЛЬ	34.90
ИЕН	22.00	22.98	ЮАНЬ	350.00

Худалгаа хөгжлийн банк

	Авах	Зарах	Авах	Зарах
АМ.ДОЛЛАР	2400.00	2459.00	ФУНТ	2966.00
ЕВРО	2554.00	2684.00	РУБЛЬ	35.45
ИЕН	21.91	23.07	ЮАНЬ	350.00

Өчигдрийн 19.00 цагийн байдлаар

